

OHAR OROKORRAK

OHAR BILDUMAK

Gogorazten dizuegu, **ostiralero Ohar Bilduma bidaltzen dugula. Ohar bilduma hauek eskuragarri izango dituzue beti ALEXIAko plataforman.** Horretarako, zuen ordenagailu edo Sakeleko Telefonotik, Alexia-ko app-ra sartu behar duzue. Informazio hau mezu elektronikoko bidez bidaltzeari uzteko aurreikuspena dugu 2022ko martxoaren 25etik aurrera. Aldi berean eskuragarri izango dituzue, ikastolako web orrian, “Informazio-oharrak” atalean.

Alexiaren erabileraren inguruko gidak zintzilikatuta ditugu Ikastolako web orrian zuen eskura. Bertan aurkitu ahalko dituzue, Alexia eta “Alexia familia” mugikorrerako app-aren erabileraren inguruko gidak. Ikus honako [ESTEKA](#).

ZERBITZUEN ALDAKETA ESKAERAK

Dakizuen hiru hilero zerbitzu ezberdinetan erabileraren aldaketak egiteko aukera izaten duzue. Oraingoan, azken hiruhilerako egin nahi dituzuen aldaketen eskaera egiteko garaia iritsi da. Gogoratu mesedez, egungo erabilerarekiko aldaketarik egin nahi EZ baduzue, EZ DUZUELA GALDETEGIA BETE BEHAR.

Hementxe dituzue beraz eskaerak egiteko link-ak:

[ZAINZA ESKAERA](#)
[GARRAIO ESKAERA](#)
[JANGELA ESKAERA](#)

* Eskaerak egiteko epea: Apirilak 6

* Eskaera guztiak aztertu ondoren, apirilaren 8a baina lehen ziurtatuko dizuegu eskaera posible den ala ez, eta aldaketak martxan jarriko dira maiatzaren 2tik aurrera.

PAGOETA MENDI LASTERKETA

Salbatore Mitxelena Ikastolako guraso-taldeak **Pagoeta Mendi Lasterketa** antolatzeari ekin dio, berriro ere, bi urte eta gero. Aurtengoa apirilaren 24an izango da. [IKUSI BIDEOA](#)

Ekitaldi hau behar bezala antolatu ahal izateko, **boluntario-talde handia beharko dugu**, eta horregatik zuen laguntza eskatzera gatoz. Batez ere lasterketa egunean izango dugu beharra: kiroldegi inguruko muntaia eta desmuntaia lanak, ibilbideetako bidegurutzeak zaindu, anoa-guneak prestatu, hamaiketako zerbitzatu, etab. Horiek guztiak egiteko, **Ikastolako guraso eta langileen laguntza** ongi-etorria eta ezinbestekoa izango da. Mesedez, bolondres bezala izena emateko honako [GALDETEGI](#) hau bete ezazu-

Informazio gehiago nahi

baduzue, hemen mugikor zenbakia eta emaila:

Iñigo Garcia – 699 775 242

pagoetamendilasterketa@gmail.com

Gainera, **Facebooken** ere aurkituko gaituzue, [Pagoeta Mendi Lasterketa](#)” izenarekin.

[IKUS KARTELA](#)

KILOMETROAK 2022: DENDA IBILTARIA

Jakingo duzue, aurten Ibarako Uzturpe Ikastola dabil **“Irribarra”** lelopean osatuko den Kilometroak-en antolaketan.

Gure ikastolan Kilometroak ospatu genuenetik zenbait aldaketa eman dira eta horietako bat arropa salmentari dagokiona da: udalerrri bakoitzean bertako Ikastolari arropa salmenta antolatu eta sustatzeko eskaera luzatu zaigu. Hori dela eta, Zarauzko Ikastolatik urtean zehar arropa salmentako denda ibiltaria hainbat egunen seinalatuetan jartzea aurreikusten dugu.

Aste Santuan Zarautzera hurbiltzen den jende kopurua handia dela eta, **Apirilaren 16an, larunbata Malekoian KMK denda ibiltaria** jartzea pentsatu dugu, baina honetarako bertan egoteko prest gauden “saltzaileak” behar ditugu. Goiz eta arratsalde jartzea aurreikusten badugu ere, ordutegia eta txanden iraupena prest gauden irakasle eta guraso kopuruaren arabera antolatuko dugu.

Egun horretan denda ibiltarian egoteko prest bazaude, bete ondorengo galdetegia eta zurekin kontaktuan jarriko gara txandak antolatzeko:

[GALDETEGIA](#)

HEZKUNTZA AKORDIOAREN INGURUKO BALORAZIOA IKASTOLEN ELKARTETIK

Ikus jarraian aurkezten dizuegun lotura.

[Dokumentua](#)

BIHAR PROZESUA

Ikastolen Elkartetik "Euskal Hezkuntza Sistemak izan behar du" dokumentua landu dugu, ikastolen komunitatetik Euskal Hezkuntza Sistemari begira egin dugun ekarpena. Hamaika puntuko dokumentua atera zaigu (Endekalogo) eta puntu edo oinarri horiek ikastolen komunitatea osatzen dugunon artean zabaldu eta horien gainean hausnarketa bultzatu nahi dugu, puntu bakoitzean eztabaida sustatu eta sakontzeko aukera eskainiz. Horretarako partaidetza prozesu zabala diseinatu du Ikastolen Elkarteak eta eskuartean duzun galdetegiaren bidez lehenengo urratsa eman nahi da.

Galdetegi honen helburua, hortaz, bikoitza da:

1. Oinarri bakoitzaren edukia ezagutzera ematea.
2. Oinarri bakoitzaren aurrean parte garen ikastola nola posizionatzen den edo non aurkitzen den, eta etorkizunean nola izatea nahiko genukeen adieraztea.

Beraz, hurrengo galdetegia betetzea eskatu nahi dizugu (Bost minutu besterik ez dituzu beharko)

<https://form.jotform.com/22069397452136>

COVID GALDETEGIA

Ikastolak, COVIDaren jarraipena egin ahal izateko, zuen seme-alabak COVID-ean POSITIBO edo KONTAKTU ESTUTZAT hartua bada eta horregatik konfinatu beharra badu, zuen seme alaben tutorea mezu elektronikoz abisatzeaz gain, jarraian bidaltzen dizuegun Galdetegia betetzea eskatzen dizuegu. Gure helburua, COVID kasuen jarraipena era eraginkorrago batetan egitea da informazioa zuzenean gurasoengandik jasoz.

COVID [GALDETEGIA](#)

GALDUTAKO ARROPAK

Datorren astearen bukaeran, arropa kutxa hustu egingo dela jakinarazi nahi dizuegu. Beraz, galdutako arroparen bat baldin baduzue bitarte honetan pasa kutxa begiratzera.

UDAKO AISIALDI ESKAINTZA

Urteroko moduan, Zirimola ikastolen Aisialdi Taldeak 2022ko udarako eskaintza prest du. Euskal Herri osoko haur, gazte eta nerabeek parte hartzen dute Zirimolako udalekuetan. Euskara ardatz izanik, ingurune naturalarekin errespetuan antolatzen diren egonaldiak dira. **izen-ematea martxoaren 16tik maiatzaren 6ra arte** izango da ***zirimola.eus*** atarian. [Udako aisialdi eskaintza 2022 Zirimola](#)

LH OHARRAK

LH

2.EBALUAZIO TXOSTENA

Apirilaren 8an, 17:00etan, 2. ebaluazioko txostenak aktibatuko dira Alexian

LH

ESKOLA KIROLA

Iragarritako eguraldia dela eta, asteburu honetako eskola kiroleko ekintzak bertan behera gelditu dira.

LH2

IRTEERA EUREKA! ZIENTZIA MUSEOA

LH2 - apirilak 7

Maila	LH2	Prezioa	17,70€
Nora	EUREKA	Irteera ordua	Ohikoa
Noiz	Apirilak 7	Itzulera ordua	Ohikoa
Garraioa	Autobusa		
Aipatzekoak	Eraman beharrekoa: Hamaietakoa eta bazkaria.		

*Apirilako erreziboarekin batera kobratuko da.

LH5
IRTEERA UDALA

LH5B - apirilak 7- apirilak 8


Maila	LH5 (LH5B)	Prezioa	56,14 €
Nora	UDALA	Irteera ordua	8:45
Noiz	Apirilak 7-8	Itzulera ordua	16:15
Garraioa	Autobusa		
Aipatzekoak	<p>Tokia kontutan izanda, mendiko botak eta mendirako arropa aproposa eramatea komeni da.</p> <p>Bi motxila eraman behar dira, motxila txikian aurreneko egunerako gauzak, eta beste motxila edo maleta batean gaueko eta bigarren egunekoak:</p> <p>Motxila txikian:</p> <ul style="list-style-type: none">● Hamaietakoa● Lehenengo eguneko bazkaria● Ura● Aldatzeko kirol zapatilak● Eguzkitako krema● Aterki txiki bat.● Txamarra <p>Beste motxila edo maleta batean:</p> <ul style="list-style-type: none">● Anoraka.● Lozakua.● Aldatzeko arropa.● Etxeko zapatilak.● Nezeserra.● Pijama. <p>Mendiko botak jantzita</p> <p>ERAMAN BEHAR EZ DIRENAK:</p> <ul style="list-style-type: none">● Smart watch-ak.● Dirua eta baliodun gauzak.● Gailu musikal eta teknologikoak.		

*Apirilako erreziboarekin batera kobratuko da.

LH6
IRTEERA ARTIKUTZA (2 EGUN)

LH6D - apirilak 4 - apirilak 5

LH6B - apirilak 7 - apirilak 8



Maila	LH6 (LH6 D / LH6B)	Prezioa	41,19 €
Nora	ARTIKUTZA	Irteera ordua	8:45
Noiz	Apirilak 4-5 LH6D Apirilak 7-8 LH6B	Itzulera ordua	16:15
Garraioa	Autobusa		
Aipatzekoak	<p>Tokia kontutan izanda, mendiko botak eta mendirako arropa aproposa eramatea komeni da.</p> <p>Bi motxila eraman behar dira, motxila txikian aurreneko egunerako gauzak, eta handian gaua eta bigarren egunekoak:</p> <p>Motxila txikian:</p> <ul style="list-style-type: none">• Zira edo berokia.• Lehenengo eguneko hamaiketakoa, bazkaria eta ura.• Lanerako koaderno eta arkatza. <p>Motxila handian:</p> <ul style="list-style-type: none">• Lo zakua.• Aldatzeko arropa eta oinetakoak.• Eskarpinak edo errekan ibiltzeko busti daitezkeen oinetakoak.• Lotarako arropa eta nezeserra.• Etxeko zapatilak.• Linterna.• Lehenengo eguneko afaria.• Bigarren eguneko bazkaria.		

*Apirilako erreziboarekin batera kobratuko da.

DBH

2. EBALUAZIOKO ERREKUPERAZIO NOTAK

Gaur ostirala, 17:00etan 2. ebaluazioko noten emaitzak aktibatuko dira Alexian.

DBH

GAZTETXOEN SEXU HEZIKETA

Gure seme-alabek agertzen dituzten sentimenduak, jarrerak edo jokaeren aurrean maiz ezin kokaturik aurkitzen gara eta horiei guztiei esanahia bilatu nahian topatzen gara askotan.

Ikasturtean zehar zuen seme-alabek, tutoretza planaren barruan, Harremanak taldearen esku-hartzearekin espezifikoki sexu heziketa landu dute. Hitzaldi honetan saio horietan egindako lanaren aurkezpena egingo digute. Zuen seme-alabek bizitzen dituzten prozesu psikologikoak eta sozialak kontuan hartuak izan dira eta gure jarrerak, jokaerak eta esku-hartzeak nolakoak behar dituzten izan ere aipatuko dugu.

Gurekin izango da Aitziber Estonba, Harremanak taldearen kidea.

Norentzat: **DBH osoko ikasleen gurasoentzat zuzenduta**

Noiz: **apirilaren 7an, osteguna**

Ordua: **arratsaldeko 17:00etan**

Lekua: **Ikastolako plaza**

Oharra: Hitzaldia euskaraz izango da. Zuen partaidetza espero dugu. Partaideak 12ko kopurura ez badira iristen, saioa bertan behera geratuko da. Beraz, ezinbestean baieztatu zuen parte-hartzea.

DBH

EHUren UDAKO CAMPUSA

Euskal Herriko Unibertsitateak, Gipuzkoako Foru Aldundiaren laguntzarekin, EGOKITU (Euskal Gazteen Orientaziorako Ikastaroa. Talentua Unibertsitatean)-UDAKO CAMPUSA programaren edizio berria antolatu duela ekaina-uztailerako Gipuzkoako Campusean.

EGOKITU 15 eta 17 urte bitarteko gazteei zuzendutako Udako Campus eskaintza da, eta horren helburua da ikaslegaiak Unibertsitate mundura modu ludikoan hurbil daitezela. Informazio guztia eskura daukazue [UPV/EHUko Gipuzkoako Campuseko webgunean](#).

DBH2
TXURI URDINERA IRTEERA

Maila	DBH2	Prezioa	4,5€ (sarrera)
Nora	Txuri Urdin	Irteera ordua	10:08
Noiz	2022/04/05, asteartea	Itzulera ordua	15:50
Garraioa	Trena		
Aipatzekoak	*Lehen ordu eta erdia gelan egingo dugu. *10:08eko trenean joango gara Donostiako Amarara. * Hamaiketako eta bazkaria eraman ditzatela. *Eskularruak eta arropa egokia. *Mugi txartela		

*Apirileko erreziboarekin batera kobratuko da.

DBH4
IKASLEAK OTEITZA BISITAZERA

Apirilaren 4an, astelehenean, DBH4ko ikasleak Oteitza bisitatzera joango dira. 10:30etik 11:30era talde bat bertan izango da eta 11:30etik 12:30era bi talde joango dira.

DBH4
OTEITZA, ATE IREKIAK (Erdi mailako eta goi mailako zikloak)

Oteitza ezagutu nahi baduzue, apirilaren 6an 17:00etatik 20:00etara izango duzue horretarako aukera. Erdi mailako eta goi mailako zikloei zuzenduak izango dira.

Besterik gabe, agur bero bat
ZUZENDARITZA

SALBATORE MITXELENA IKASTOLA

Maria Etxe-txiki kalea 14,
20800 Zarautz
Tlf: 943 831 752

zarautz@ikastola.eus



zarauzkoikastola.eus